

Talanoaga ma tagata e fa'alēlelei o latou mafaufau

Talanoaga e fa'aaogāina ai le gutu (tautala)

- Va'ai i mata o le ma'i
- Tautala lēmū ma ia manino
- Ta'u le igoa o le tagata o lo'o lua talanoa
- Fa'ailoa i ai o ai oe i taimi uma e te tautala ai
- Fa'atali mo se 30 sekone i se tali mai le ma'i
- Pe a talafeagai ai, toe fai lau tala po o lau fesili, ia tutusa lelei lau tala ma lau tautala, lou leo, ou mata, lau gaoioi i taimi uma e te tautala ai. Aua ne'i i ai se mea e sua.
- Fa'aaogā upu pupu'u ma le faigofie. Pe a tusa ai, fa'aaogā upu po o le gagana sa e fa'aaogaina muamua.
- Fa'aaogā nauna ae le o soānauna pei o le (ipuinu, a e le o le mea e fa'aaogā e inu ai)
- Taumafai e aua le fesili a e fa'aaogā le fuaiupu. (Fa'ata'ita'iga: "Ua o'o i le taimi o le 'ai." A e le o le "E te fia 'ai?")
- Fai lau fa'amatalaga e fa'asolo lelei mai i le amataga. Aua le feosoosofa'i solo.
- Fai lau tala pei o lo'o fa'atonu. Aua le faia fa'alautele. Fa'ata'ita'iga, "Solo ou se'evae i luga o le mea solovae," a e le o le "solo ouvae."

Talanoaga e faaalua ai uiga ma aga:

- Sōsō atu lēmū – ui mai luma a e le o tua
- Va'ai i mata o le ma'i, ia tutusa le maualuga o ou mata ma ona mata.
- Fa'aaogā ou mata ma ou foliga ma lou tino e ta'u atu ai lau fe'au. Pa'i atu lou lima o se vaega o lau feau.
- Aua e te finau atu i le ma'i ma aua e te fa'afaigatāina le matā'upu e atili ai le lē iloa e le ma'i lau fe'au o lo'o tau fai atu. Tali atu i lagona a e le o le mea tonu. Fa'ata'ita'iga: "E foliga mai o lo'o e popole.....lē fiafia...."
- A amata ona savali ese le ma'i, savali atu ai ma oe i ona tafatafa. Aua e te savali ese, pe tulei, pe taofi mai i tua, po o le sui o le itū e te aga'i i ai.

- Fa'aaogā lou pa'i atu e fa'asaga mai ai, fa'aailoa atu i le ma'i o lo'o e fa'alogo atu, fa'amalosia le talitonu mai o le ma'i ia te oe i le gagana na te malamalam ai.

Feiloa'iga i lagona

- O tagata e maua i le lotogalo e vave lana fa'aali atu o ona lagona e tali atu ai nai lo upu.
- O tagata e tau afaina mafaufau e fefefe gofie, lē mautonu, ma ita po o le fa'amalō pe a e fa'avave ona e tautala pe so'ona fai au gaoioiga.
- Ia e fa'avi'ivi'i ma ia toe fa'afesiliina ia mautinoa. E le sili atu le taualoa o lou poto ma lou iloa na i lou atamai ma lou mafai.

O le ta'iala

- O le tagata e ma'l lona mafaufau e fefe gofie. E le sao i ai se tala. A e taumafai e fa'aōleole: Fai iai o le a e va'ai lelei i ai, ma, e le toe tupu lea mea, po o le fai atu, 'o le a ou fa'asa'oina.' Sui le ata o lo'o fefe ai le ma'i i se mea e fa'amālie ai lona mana'o: Fai i ai o tagata na ou aumaia e leoleoina le fale. Sui le va'aiga.
- Afai e le maua se fīlēmū o le ma'i, ita ma faigatā: tu'u loa ae alu ese ma le fale, sui le talanoaga, fai se mea e ave'ese ai le mafaufau i lea mea, taumafai i se isi taimi, po o le sui o le tagata e sau.